



## **BCA ta lansa encuesta digital tocante confiansa den placa efectivo**

Relato di prensa

19 di October 2024

Aruba

Pa por compronde miho con consumidornan na Aruba ta uza y percibi placa efectivo denomina na florin Arubano, Banco Central di Aruba (BCA) lo tene un encuesta digital tocante e confiansa den placa efectivo durante e periodo di **19 di October 2024 te cu 9 di November 2024**.

E meta di e encuesta aki ta pa midi con hopi consumidornan ta uza placa efectivo (placa di papel y monedanan di florin Arubano), nan conocimiento di e diferente denominacionnan di nos placa di papel y monedanan di florin y e nivel di confiansa den e autenticidad y e calidad di nos placa di papel di florin.

E data obteni lo asisti CBA na amplia su conocimiento di e actividadnan economico y preferencianan di consumidor, mantene e confiansa den e florin, formula recomendacionnan pa e maneho relevante y subraya deficiencia den alfabetismo financiero.

BCA ta sigura cu e encuesta ta **estrictamente anonimo y tur informacion obteni lo wordo trata confidencialmente** y uza solamente pa metanan estadistico y pa maneho.

BCA ta encurasha tur residente di Aruba, cu tin 18 aña of mas, pa completa e encuesta aki. Pa participa, bishita e website di BCA [www.cbaruba.org](http://www.cbaruba.org), pagina di Instagram 'Centrale Bank van Aruba' y pagina di Facebook 'Aruba su Florin' y completa e encuesta prome cu e deadline di 9 di November 2024. Si tin cualkier pregunta adicional, por fabor tuma contacto cu e Departamento di Sistemanan di Pago di BCA via email [payment.systems.department@cbaruba.org](mailto:payment.systems.department@cbaruba.org).